

71 *Da Cataro, di sier Zuan Paulo Gradenigo, re-
tor e provedador, di 15 marzo.* Chome de li è pocha
custodia, *solum* tre contestabeli e pochi fanti; et, per
dubito de' turchi, à armà dil suo la fusta, et do cara-
velle farà *etc.* Et per un' altra letera *post* scritta, par
quel zorno, a dì 15, a hore 21, sia zonto de li uno
di Feris bei, sanzacho de Scutari, et li presentò una
letera in lingua schiava, la copia di la qual sarà qui
soto scritta; et chiamato el conseio de li deputati di
Cataro, consultò la materia; e acciò non fusse venuto
per spiar, retene ditto messo, con animo di non ri-
sponder cossa alcuna per bon rispetto, et mostrar
non curarsi di le sue pratiche. E l' animo di quelli
citadini è molto forte et gaiardo contra turchi; e po-
cho avanti l' hora di disnar, per alcuni stratoti de li,
li fu apresentà tre teste de turchi taiate per l'oro que-
sta matina, si che, si vi fusse 150 cavali de stratoti,
si sentiria qualche novità bella; *tamen* non man-
cherà *etc.*

*Copia di una letera di Feris bei al provedador
di Cataro.*

Da parte de Feris bei, signor de Scutari, al nobel
e savio et de ogni honor et laude degno de Cataro
signor conte: Sapiè come è vegnudo el carazaro de
l' imperador, domanda de la contrada de Garbli el
carazo, che sono i ducati de l' imperador, chome per
avanti i sollevano dar. E lor dicono, el conte de Ca-
taro ne ha preso, et si ne tiene ne le presom, et ha
zerchado el pagamento, et si havemo pagado tutto
quello che per avanti non avevemo compido de pa-
gar. Et al presente, questi homeni de l' imperador,
datili ne le nostre man, perchè haveremo ancora nui
con voi bona visinanza et amicitia; et se non ne voli
dar questi homeni ne le man, per la fede ne la qual
credo, che tute quelle vigne che son di Cataro, et
ogni altro alboro frutifero et homeni vostri, tutti ge-
tarò e taierò a terra piana: non voglio lassar fin a le
porte de la città, *excepto* la terra negra; nè de qui me
voglio mover fin che non fazo la execution di questo.
A vostro aviso, perchè fin adesso a voi nè a' vostri
homeni mal algun non ho fato, se ben son vegnudo
qui, *excepto* se ho preso qualche schiavo; et se algu-
na cossa ho fatto, ho fatto a li rebelli de l' impera-
dor; et quel che havi a fare. Per questo con pre-
steza deme risposta. Idio vi consoli.

La qual letera era scritta in schiavo.

*Da Roma, di sier Polo Capelo, el cavalier, ora-
tor, di 23 et 28.* Zercha la dispensation dil matri-

monio dil re di Hongaria. È stato col papa a persua-
der per ben di la christianità, et evi li procuradori di
esso re di Hongaria, et lo episcopo di Chai, qual ri-
tornò orator dil papa di Hongaria. Il papa disse vo-
leva far. E il cardinal di Siena dipose contra *etc.* Et
l' orator yspano fa il tutto, per operar non siegui,
per caxon di la raina Beatrice, sorela dil re Fedrico.
Et è zonta una letera dil re di Franza al papa, li per-
suade la expedition di ditto matrimonio; et il papa
mandava l' arziepiscopo di Arles in Franza. *Item*, è
letere li di Milam, dil prender di Novara per el si-
gnor Lodovico. *Item*, el cardinal Urssino parti di
Roma, poi è ritornato; e li Urssini sono col papa, et
domenega si dovea dar il stendardo di confalonier
di la chiesa al ducha Valentines, fiol dil papa, e la
ruosa. *Item*, il papa si duol traze pocho dil jubileo;
et mandò il brieve di la confirmation dil perdon di
la Charità, ch' è a dì 3 april, concesso *alias* per Ale-
xandro terzo, ch' è perpetuo.

*Da Rimano, di sier Francesco Capello, el cava-
lier, provedador nostro.* Chome la duchessa di Ur-
bin, sorela dil marchexe di Mantoa, era andata a
Roma al jubileo, con 6 cavali et 60 a piedi; *etiam* a
visitar il papa; si racomanda a la Signoria nostra.
Qual passò de li. Et par el ducha Valentinoys voglij
tuor l' impresa di Pexaro. *Item*, la peste è a Forli,
Cesena e Fiorenza. Fo comesso a li savij sopra la sa-
nità, dovesseno proveder, et fo proclamato non vi
venisse *etc.*

*Da Ferara, di sier Hironimo Donado, dotor, vi-
cedomino.* Chome la moier di Frachasso era li, non
ha nulla; e per bisogno di uno sacho di formento à
impegnà li ninzuoli. *Item*, di l' andata di domino
Zuan Valla, orator di quel signor al re di Franza,
et esser stati li a Ferara do oratori dil roy predito,
vieneno qui, poi in Hongaria, honorati assai.

*Da Ruigo, di sier Zacharia Contarini, el cava-
lier, podestà et capetanio, di ultimo.* Dil zonzer li
di do oratori dil re di Franza, vano in Hongaria, li
nomina, li ha honorati, e li hanno ditto, domino A-
cursio fin 20 zorni sarà de qui.

*Da Liom, di sier Beneto Triviziam, el cavalier, 71
orator, di 24 marzo.* Chome il re havia inteso No-
vara dal signor Lodovico si strenzeva, et monsignor
di Alegra volea socorsso, dubitava assai di perder-
la, et à expedi monsignor di la Trimolia con lanze...
con hordine investi il campo dil Moro; et il baylo
dil Degiun, mandato da' sguizari, par habi auto assa'
sguizari a soldo dil re, et il re di romani volendone
4000 per romper a la Signoria nostra, non li à po-
tuti haver; et il roy, che voleva venir più avanti,